

**KONNGOL LEYDI MEN KO HITAADE HEYRE**  
**(Wagadugu, ñanne 31 lewru sappo e didaburdu hitaande 2023)**

**Yimbe leydi men Burkina Faso,**

**Banndiraabe men daraniibe jeyal hoore ley men, jam leydi, hebtude laamu leydi men, e hebtugol endepandansi men lay lay ;**

Yo dow teddeengal e mbelirka adiran-mi haala, yeeso yimbe Burkina Faso wonuɓe ley leydi men e gende janane, yeeso yigiraabe men e gollidiiɓe men faa mi jowtaɓe ɓe bureyaaga banngal hitaande heyre 2024. Allah hokku en hitaande 2024 lobbere ley jam e mbelirka.

En njetta Allah walludo en njiiden timmoode hitaande 2023. Na en ndooko Allah yaafo yimbe fuu hokkuba nguurndam muɓben heba Burkina Faso heɓta hoorem banngal jabtugol leydi men to teroristi en ; Allah hiinuɓe bone dey yaafo ɓe ; Allah ɓuubnu mbaandi maɓɓe ley leydi Burkina Faso.

Midɛn ndooko du, Allah hoynana dey hokka cellal yimbe fu, hannde, nawniibe saabe wolde terorismu, dum won haɓɓuɓe e terorismu en faa keɓten ko'e men.

Na min miilo du, yimbe fuu ndillube gure muɓben, dey moolowii nokkuuje godɗe ley leydi men (PDI), gondube sadɗaaji mawɗi.

**Kamaraati en ;**

Hitaande 2023 yo wawtu nde min ndarii min kiiɓi faa woondi no leydi men Burkina Faso worri hannde. Ley ndee hitaande, min ndaari ko saabantoo Burkina Faso sadɗaaji mawɗi ; duum saabi dey, min adi aadiiji mawɗi sanne. Din aadiiji mawɗi tayii callali kaɗooji ndimaaku, hono emperiyalismu e newookoloniyalismu. Sabu wanndoore wi'i kee « a waawaa yiitude huunde nde wujjadaa soni yo gujjo adudo oon wallete faa yiita ko mbujjadaa ».

Hitaande 2023 yo hitaande yi'u nde kulle keewɗe kese ngollaadɗe. Ñanne 11 lewru sappo e didaburdu welliindu, hono ko min kollunoo, ley ko gollaa banngal ndeenaagu leydi, banngal cellal, banngal hebande yimbe fuu neema faa heyɗa ɓe, banngal bantaare leydi, e joyyingol lujinji ; ko heewi gollaama. Yo dum saabi dey, mido jowta yimbe Burkina fuu saabe siinere golle muɓben ley sadɗaaji, sabu ɓe paami ko saabi dey na en njeysi daraade ngollen heba keɓten njeysten ngenndi men Burkina Faso.

Hitaande 2024 laatoto hitaande nde haɓugol faa leydi jeytee hoorem dey yaharata yeeso. En keddoto na en tayɗa callali caabotoodi dey na en keddii ley ndiimaaku men, na en keddii ley koloniyalismu, callali kaɗooji en hebude jam e seyaare.

Ley hitaande 2024, en njaharan yeeso habnde jeytugol leydi men dey beyden habnde nden. Yo duum saabii dey, banngal ndeenaagu leydi men, en nji'an joyfingol sarwiisi minteere en arano mawdo banngal ndeenaagu innditiraado Birigaadi espesiyal dentervanson rapiidi, oon Birigaadi hawrondinan Batayonji dentervanson rapiidi fu, gurupuma de forsi espesiyal e gurupuma espesifikki.

Duum yo banngal hegintingol segila sarwiisiji soldaasiibe men, fonnditinde dum no woodiri, sottinde minteere en yoga yahara nokkuuje godde faa ndeenaagu hebee nokkuuje fuu. Ayka mawdo kebirdo kabitirdi e ayka moyfintinde e hegintinde no gollirte banngal ndeenaagu du wadaama ley hitaande 2023. Duum tabintinirte ley hitaande 2024 e waddugol kabitirdi deenirdi mawdi sanne e beydugol semmbe malfaaje nawtorteede ley woldeji. Caggal duum, ko min ndiiwata ley hitaande 2024 yo wallude pedeyii en (yimbe mooliibe) njecco koota ley gure muβben dey den nokkuuje ndeene taa terorismu warta e majje.

Ley hitaande 2023, hono ko kollunoo-mi on, ko heewi dey na heydi fuddaama, , ley hitaande 2024, en cemmbinan ko golluno-den, dey tabintinen ko anniyino-den wadude, hono aadi ndi persidan men adi banngal hebande yimbe fuu neema keyoowo e tawti golle mawde fuddaade rowani de battaare hiilniinde demal e maral siini tabintinan. Demal keedu na woni ley aadiiji adaadi din, heba ley hitaande hitaande 2024, kewten maa batto-den hebande yimbe fuu neema keyoowo.

Yo sadda mawdo mo njeyu-den jaaltaade, dum saabii dey mido rooko burkinaabe fuu, to be ngoni fu, be ngatta ley hakkillooji mabben ciinal tabintinde dee golle heba de tabita goonga fu. Banngal hebande leydi men luujinji, e banngal wallugol jaagotoobe tinnotoobe heba nokkuuje leydi men fuu keba nguurey e ko wallata yimbe fu, jaagotoobe been keban walleede faa golle mabbe ngasa. Appekki (APEC) fuddaama faa woddoke heba luujinji keewdi njoyfinee, ko heewi gollete faa hannde ley hitaande 2024.

Ley hitaande 2024, min ndookoto yimbe Burkina tewta faamude golle de persidan anniyii gollude banngal bantaare suudu baaba. Caggal hiiugol no cellal worri ley Burkina hono ko hollaa nannde 11 lewru sappo e didaburdu welliinde, sey pudfiten niben galluuje men dey ngadanen de la'aare lobbere. Sey yimbe galluuje tewta faamude no dum worri dey pudfa laabinde nokkuuje muβben, nibude galluuje, ngada heba to yimbe mbuuri wela yi'ude dey nawuuji di tuundi caaboto kadee wartude hitaande fu.

Wolde nde ngadeten hannde nde du, yo banngal finaatawaa. Hono no taykori-den nih, en paamii kee tuubaaku wadii njoppuden finaatawaa men. Finaatawaa men lalii, finaatawaa men lobbo na holla en jam, kawtal, mballondiral. Darja nguurndam men lalii. Duum saabii dey na min kaaja finaatawaa teddine ley wolde men nden.

Yo duum saabii dey min darjini haalaaji men finaatawaa ley golle laamu leydi dey min njoyfimi Konsey Nasonal suudu baaba banngal porje laluwaa votaado asammbule sariya taranjison. Dum na jeyi wallude en ngarten ley finaatawaaaji men, e al'aadiiji men heba banginen ko darji e majji, duum won ballondiral, jam, sawraare e gondal lobbal.

Banngal sonnugol ndimaaku mum, ndee huunde bonnde beydoke ley hitaande 2023. Banngal hitaande 2024, en ndaroto kabden e sonnugol ndimaku. Ndelle, na mi rooko sarwiisiji fuu ndaraniidi habdugol e sonnugol ndimaaku tinnoo e siinugol lallinde ndee huunde bonnde ley jamaa men.

### **Kamaraati en ;**

En keddoo ciinen e rewude laawol men, diidol ngol diiduden faa tabintinen golle men. Laawol gonngol lobbol fuu walaa sowanaa ngol, faa keften ndimaaku men, jayal laamu men dey ngaden Burkina yahara yeeso. Na en tanñori kee e burkinaabe fuu, soni en kawritii en ndaroke en ngollidii, dee golle na darjinani Burkina Faso, na darjinani waaldeere leyde men ayeyeesi AES (Amaana Gende Saahel) e gende Afirikki fuu.

Midí ñaagano en Allah hitaande 2024 lobbere; hitaande hebbinde cellal, hitaande wondunde siinugol golle, hitaande nde burkinaabe fuu ndaranto faa yidondirgol hakkunde yimbe mum tabita ; hitaande nde burkinaabe fuu, cawtotoo, acca woldeeki hakkunde mubben dey be tewtida battane lobbe kawtaade ; hitaande seyoore, hitaande nde Allah hokkata mono fu ko muuyani hoorem dey na woodi.

Mi waawaa hantude konngol am soni mo jawtaay yimbe Burkina fuu anndube maanda wolde men dey na ndaranii nde, jemma e ñalooma fu, banngal hawju ndeenaagu, heba taranjison yahara yeeso. Sabu gaño men resaay kabitirdi mum ; nde yo bonbe ngonube ley Burkina maa njanandi Burkina fu, emperiyalisku na heddii na golla ko boni faa hannde.

Midó barjito yimbe Burkina fuu saabe wolde nde ndarani den ; midó barkina yimbe fuu, badiibe e wodfube fuu, wonube ley Burkina, ley gende janane fuu, ley adunaaru fuu, walloobe Burkina ley ndee wolde.

**Allah moyyin Burkina Faso !**

**Allah reenu Burkina Faso !**

**Leydi maa maayde, en kawan.**

**Persidan Taranjison,  
Hooreejo leydi,  
Kapiten Ibrahim TARAWORE**